

Jen Būreejtōn
Dieter F. Uchtdorf

Rikakpilōklōk eo Kein Karuo
ilo Būreejtōnji eo Kein KajuŌn



Etke jej aikuj Rikanaan ro?

Kōnke Jemedwōj Ilañ ej iakwe ajri ro nejin, ejañin kar kōtłok er ñan etetal ilo mour in ilo ejjelok tōl im kajiniet. Katak ko an Jemedwōj Ilañ rej jab āinjuon, kajjemalele, jejtokjen rot en komaroñ ātetok wōt ña ilo juon bok epidodo kulin ilo mōn wia bok ko. Er rej māletlet eo an aolep kajoor, aolep-jeļāļokjen Armej in celestial eo ej iakwe ajri ro Nejin. Eaar watōk wōt ilo naan ko An ej ittiņo eo emmantata—kii eo ñan mōņōņō ilo mour in im ilo laļ eo ej itok.

Jemedwōj Ilañ ej kwaļok māletlet in ñan ajri ro Nejin iion laļ kōn rikanaan ro rikarejeran (lale Amos 3:7). Jen raan ko Adam, Anij eaar kōnono ñan ajri ro Nejin kōn kar ijjitōñ in kanaan jān ro rej eddoin kōn kwaļok An kilaan im kipeļ ñan ro jet. Rikanaan ro rej rikaki ro kar imōk im iien otemjej rej rikamool ro rejenolok an Jisōs Kraist (lale lale D&C 107:23). Rikanaan ro rej jab kōnono wōt ñan armej ro an iien ko aer, bōtaab rej bar āinwōt kōnono ñan armej ro ilo aolep iien. Naan ko rej āinwōt ilo tōre ko tok im rej āinwōt wōt kiiō āinwōt juon kallimur in An kilaan Anij ñan ajri ro Nejin.

Rainin ej jab oktak jen epepen ko jemaan. Irooj ejjab iakwe armej ro ilo raan kein ad edikłok jān iien ko jemaan. Juon iian ennaan ko elukkuun ai-booj an Jepļaaktok eo an Kabuñ eo Jisōs Kraist ej bwe Anij ej wōnmaañłok wōt ñan kōnono ñan ajri ro Nejin! E ej jab tiliekek ilo lañ ko bōtaab ej

kōnono rainin āinwōt E ar ilo raan ko etto.

Eñañin aolep ta ko Irooj ej kwaļoki ñan rikanaan ro An raar kōmman ñan bōbrae būromōj ñan kōj āinwōt kajjojo im āinwōt jukjuk in pād ko. Ñe Anij ej kōnono, E ej kōmmane ñan katakin, imwe, karreo, im kakkōl ajri ro Nejin. Ñe ro kajjojo im jukjuk in pād ko rej kōjool naan in jiroñ ko an Jemedwōj Ilañ, innām rej kōmmane ilo kaal in meliijoñ, eñtaan, im ļap jerbal.

Anij ej iakwe aolep ajri ro Nejin. Eñōne ej etke E ej lukkuun akweļap ippād kōn rikanaan ro An. Ainwōt ad kōnaan ta emmantata ñan ro jej iakwe, Jemedwōj Ilañ ej kōnaan ta emmantata ñan kōj. Eñōne ej etke kōmeļeļe ko An relukkuun aorōk im jet iien aikuj kōmmman iien eo emōkajata. Eñōne ej etke E ejañin eļłokjen kōj rainin bōtaab ej wōnmaañłok wōt ñan kwaļok An kilaan ñan kōj kōn rikanaan ro An. Ad mejān kajik im mejān kajik eo an laļ in ad rej pedped iion ad roņjake im ļōmņake naan in imwe eo an Anij ñan ajri ro Nejin.

Kōmeļeļe ko an Anij rejjeļ oņāer ñan armej kar loi ilo Baibōļ eo, Bok in Mormon eo, Doctrine and Covenants eo, im Pearl of Great Price eo. Ilo kakobaba, Irooj ej kōnono ñan kōj kōn ro rikarejeran, āinwōt bar An kilaan ilo kweilok eo eļap ej itok wōt.

Ñan ro rej kejokłokjen eļañne men in emaroñ in—wōn emaroñ kar kajjitōk, “Emaroñ ke bwe Anij ej kōnono ñan kōj rainin?”—kōn aolepān būruwō Ij

karuwaineneik eok ñan “kwōn itok im lo e” (Jon 1:46). Liñūri naan ko an Anij āinwōt loi ilo jeje ko rekwojarjar. Roñjake kweiļok eo eļap kōn juon lojiniñi ekōñaan roñjake ainikien Anij letok kōn rikanaan ro An raan eo ālik-tata. Itok, roñjake, im loe kōn būruwōm! Bwe eļaññe kwonaaj pukōte “kōn juon bōro emool, kōn lukkuun kōttōpar, im ewōr tōmak ilo Kraist, [Anij] enaaj kwaļok mool in ñan kom, jān kajoor eo an Jetōb Kwojarjar” (Moronai 10:4). Kōn im ilo Kajoor in, Ijeļā bwe Jisōs Kraist ej mour im ej tōl Kabuñ in An kōn juon rikanaan emour, aet Būreejtōn Thomas S. Monson.

Ro jeiū im Jatū, Anij ej kōnono ñan kōj rainin. Im E ej kōñaan bwe aolep ajri ro Nejin ren roñjake im pokake Ainikien. Āinwōt ad kōmmane, Irooj enaaj kōjeramman im dāpij kōj ilo eļap, jimor ilo mour in im ilo laļ ko rej itok wōt.

JODIKDIK RO

Kar tōl jen juon Rikanaan Emour

Jen Christy Ripa

Ke laar 16, Eaar aō iien emman ñan pād ilo kweiļok eo eļap ilo armej ej kab juon kōttan. Baamle eo

aō eaar jokwe ilo western Oregon, USA, im kōm ar ettōrļok ñan Utah ñan pād ilo kweiļok eo eļap im ñan bōkļoke leo jeiū ilo missionary training center eo.

Iaar etal ñan kweiļok eo eļap kōn juon ikdeelel ñan ekkatak jen Jetōb Kwojarjar eo. Āinwōt juon tōprakan, iaar bōk juon mōdenļok jen Jetōb me bōlen iban kar bōke ñe iaar jab kar kōpooj eō make.

Ilo juon iian mweñan ko, kajjojo raar jutak im al al in jar eo ippān doon, “Guide Us, O Thou Great Jehovah.” Āinwōt am kar al, ewōr aō imwe ejenoļok ñan reito reitak ilo Conference Center eo. Iaar kōmmane im kar ilbōk kōn kajoor eo an ikūtōltōl in taujin ko in armej ijo āinwōt am aolep kar kotak ainikiem ilo nebar ñan Anij.

Innām ear wōr juon aō eñjaake me iaar eñjaake āinwōt Nipai ke e ar lo mōdenļok eo an wōjke in mour eo, bwe Jetōb eo ear ba ñan eō, “Ta kwōj lo e?” (Iale1 Nipai 11–14). Iaar reilōk ñan Būreejtōn Thomas S. Monson im kar eñjaake bwe ikūtōltōl eo an Kabuñ in eaar pād kōnke jaar tōl kōn juon kanaan emour. Kōn kaṃool eo an Jetōb Kwojarjar eo, Ijeļā Būreejtōn Monson ej rikanaan eo emool ñan rainin ad, im ijeļā bwe Jisōs Kraist ej tōl Kabuñ in kōn e.



Tōmak, Baamle, Doulul

Leddik ro Nejin ilo Aelōñ in Aō

Katak kōn kein katak in im, ñe ekkar, ekōnono kake ippān jejtōr ro komij loļok. Kōjberbal kajjitōk ko ñan jipañ eok kōkajoorļok jejtōr ro am im ñan kōmman bwe Doulul eo an Kōrā ro en mōttan eo emourur tata ilo mour eo am make.

Kimij kōrā ro nejin Jemed ilo Lañ E jeļā kajjied, ej iakwe kōj, im ewōr juon karōk ñan kōj Mōttan karōk ñe ekoba itok ñan laļ ñan ek-katak ñan kālet emman ioon nana. Ñe jej kālet ñan kōjparok kien ko an Anij, jej kautiej E im kūle wōn kōj āinwōt kōrā ro nejin Anij. Doulul eo an Kōrā ej jipañ kōj kememej jolet in ekwojarjar.

Doulul eo an Kōrā im bwebwenato in ej kōkajoorļok im rie kōj. Julie B. Beck, Būreejtōn eo eutie an Doulul eo an Kōrā, eaar ba: “Āinwōt leddik ro nejin Anij, komij kōppopo ñan ijitōñ ko indeeo, im kajjojo iaami ewōr ami kakōlkōl in kōrā, piktok, im jermal. Wōnmaan ļok eo an baamle ko, jukjukin pād ko, Kabuñ in, im karōk in lōmōor eo eaorōk rej pedped wōt ioon tōmak ko ami. . . . [Jemedwōj Ilañ] Eaar kōnaan bwe Doulul eo an Kōrā en jipañ kalek armej ro An im kepooj er ñan kōjramman ko an tampeļ. Eaar kajutak [Doulul eo an Kōrā] ñan kajkunwōt juon leddik ro Nejin ilo jermal eo An im kajjitōk jipañ eo aer ilo kalek aelōñ in kiiñ eo An im kōkajoorļok imōko imōn Zaion.”¹

Jemedwōj Ilañ eaar letok ñan kōj kajjojo jermal ñan jipañ kalōk aelōñ in Kiiñ eo An. E ar barāinwōt kōjeramman kōj kōn menin letok ko an jetōb jej aikuji ñan kadede-ikļok jermal in ba kake. Kōn Doulul

eo an Kōrā, ewōr ad iien emman ñan kōjberbal menin letok ko ad ñan kōkajoorļok baamle ko, jipañ ro rej pād ilo aikuj, im ekatak wāwein ñan mour āinwōt rikaļooran Jisōs Kraist.

Būreejtōn Dieter F. Uchtdorf, Rikakipilōklōk eo Kein Karuo ilo Būreejtōnji eo Kein Kajuon, eaar ba kōn iaļan rikaļooran, “Ilo ad kijem- mej im etal ilo ial eo an rikaļooran, jej kwaļok ñan kōj make joñak eo kōn ad tōmak im kōnaan ñan bōk an kilaan Anij ijelōkin ko ad”²

Jen kememej kōj kōrā ro nejin Anij im kakkōt ñan mour āinwōt rikaļoor ro An. Āinwōt ad kōmmane menin, jenaaj jipañ kalōk aelōñ in kiiñ eo Anij ijin iion laļ in im erom kōrbab ñan roļok ñan pād Ippān.

Jen Bwebwenato eo Ad

Ilo Eprōļ 28, 1842, Rikanaan eo Joseph Smith eaar ba ñan kōrā ro jeid im jatid ilo Doulul eo an Kōrā: “Kwōj pād kiiō ilo juon jōkjōk me komarōñ maķūtķūt ekkar ñan eñ- jaake ko me Anij ear likit ilo [kom]. . . . Eļañne kwonaaj mour ekkar ñan jimwe ko am, enjeļ ro rej jab marōñ dāpdep jen aer ami rijipañ.”³

Kūleļok kajoor eo an Doulul eo an Kōrā ñan jermal ñan ro jet im ñan jipañ kajjojo kōļapļok ilo tōmak, Zina D. H. Young, Būreejtōn eo kein kajilu eļap an Doulul eo an Kōrā, eaar kallimuri kōrā ro jeid im jatid

ilo 1893, “Eļañne kom naaj pukōte būruwōmi kom naaj lo, kōn jipañ eo an Jetōb eo an Irooj, pearl of great price eo, naan in kamool eo an jermal in.”⁴

KAKEEMEMEJ KO

1. Julie B. Beck, “Leddik ro Nejin ilo Aelōñ eo Aō: Bwebwenato im Jermal eo an Doulul eo an Kōrā,” *Liaona*, Oktoba. 2010, 61, 63.
2. Dieter F. Uchtdorf, “Ial eo an Rikaļoor,” *Liaona*, Eprōļ 2009, 76.
3. Joseph Smith, ilo *History of the Church*, 4:605, 606.
4. Zina D. H. Young, “How I Gained My Testimony of the Truth,” *Young Woman’s Journal*, Epr. 1893, 319.

Jen Jeje Ko Rekwojarjar

Zeckhariah 2:10; Doctrine and Covenants 25:1, 10, 16; 138:38–39, 56; “Baamle Eo: Juōn Keañ Ñan Lal In” (*Liaona* im *Ensign*, Nob. 2010, 129)

Ta Eo Imarōñ Kōmmane?

1. Ekōjkan aō marōñ jipañ kōrā ro jeiū im jatū tōpar aorōk eo aer āinwōt kōrā ro nejin Anij?
2. Ekōjkan Aō marōñ kōjberbal ilo mour e aō kipel im kakkōl ko leļok ñan kōrā ro ilo Doctrine and Covenants 25?

Ñan meļeļe ko reļapļok, etal ñan reliefsociety.lds.org.

© 2012 jen Intellectual Reserve, Inc. Aolep jimwe rej pād ippān. Jeje ilo Amedka. Kōmālim ilo kajin English: 6/11. Kōmālim an Ukook: 6/11. Ukook eo an *Visiting Teaching Message*, March 2012. Marshallese. 10363 874

